






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. L.5.4 (a)





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. L.5.4 (a)



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. L.5.4 (a)




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. L.5.4 (a)



edebat
du religieux et de
l'homme mondain





Cy commence le debat de l'ome
mondain et de son cōpaignon qui
se veult rendre chartreux

Lacteur

Qui prêt plaisir de passer tēps à lire
liures d'amours ou contemplation
en ce traictie oira de bons motz dire
qui youldra prendre affection
de deux gallās qui faisoient mētion
de leur estat & bon temps de ieunesse
dont cy apres Verres linuention
de leur debat ains que descripre cesse

Les deux mignōs estoient en Berger
ou de leurs fais de ieune aage ploient
pour les ētēdre me mis pour abieger
pres d'une haye dun pre ou ilz estoient
la ie ouys tous les motz qui disoient
dignes de mettre en forme de medire
et escripts tout ce que dire vouloient
pour en faire quelque petite histoire

L'un d'eulx vouloit par grāt deuotiō
se rēdre moyne pour le tēps aduenir
et maintenoit par sa confession
quil auoit boue lordre tenir
dont de courroux ne se peult cōtenir
son cōpaignō cource a grād oultrāce

qui ne luy dist ce que pourtes oyr
et le moyne luy respōdoit a plaisir

L'omme mondain

Mon cōpaignon que deulx tu faire
de te rendre religieux
iadis soulois aux dames plaire
dancer et chanter en tous lieux
helas ie t'ay deu tant ioieux
et tenir tousiours table ronde
actens aumoins que tu soies dieux
il n'est vie que destre au monde

Le religieux

Amy de telles ioyes mondaines
ne me chault et men tiens forclus
car ce sont plaisances soudaines
qui se passent et nen est plus
puis la mort si vient ausurplus
qui abolit ce qu'on demande
sy vueil vivre et morir reclus
celuy vit mal qui ne s'amende

L'omme mondain

frere chascun a son mestier
si peult faire son saulvement
nul n'est pas au mestier
que dieu le vusist autrement
mais les vngs pour ducil a tourmēt
ou aultre desplaisir en l'omme
si fourrent trop legierement
desespoir fait perdre l'omme

Le religieux

Sur desespoir ne desplaisance
nest fondee mon intencion
ennuy courroux indigence
ou aultre tribulacion
mais affin de deuotion
et que le temps perdu recueure
par digne contemplation
qui fait bien en la fin le treuve

L'omme mondain

Quel prouffit te peult il venir
de mettre ton cuer en hostage
et solitaire deuenir
pour finer tes iours en seruage
Viure comme beste sauuage
sans parler ne porter effaict
helas tu poursuis en dommage
lon doit penser a ce qu'on faict

Le religieux

Le conseil en est desia pris
et aime mieux cy souffrir peine
que destre perdu ou surpris
es delis de la vie mondaine
len na pas la vie souueraine
pour estre aise ne sans peiner
il nest tel que la vie certaine
seruir dieu est Viure et regner

L'omme mondain

Nest il harpe ne tabourin
quil te donnast esiouissance
bouquetz de roses rom marin

a.iii.

chancon ou nouuelle accointance
cordons cueurehies de plaisance
dames bourgoies damoiselles
petis genoux ris de pcellence
telz biens font dresser les oreilles

Le religieux

y la nay regret nullement
car en telz biens n'ya seurete
aincois empeschent le sauueement
et tournent a malheurete
se tu as vne ioyeuseté
tu auras apres quinze douleurs
pour vng bien double aduersité
telles iopes se finent en pleurs

L'homme mondain

Dr pleust a dieu queusses le cuer
aussy ioyeux comme le mien
car ie ne sens ne mal ne douleur
tousiours gay et ioly maintien
autant mest le mal que le bien
tout mest vng beau tēps ou la plaie
ie ne me soucie de rien
qui se chagrine fait folie

Le religieux

Ta ieunesse force et beaulté
te font telz adous soustenir
mais oste en ta volente
car aultre chemin te fault tenir
le temps sen va sans reuenir
et tousiours accroist soing et charge

puis fault tousiours finir et morte
celuy qui ny pense nest pas saige

Le mondain

Au regard de moy ie ne pense
fors a Vestir robe nouuelle
me trouuer en feste et en dance
pour seruir quelque damoiselle
ceulx qui ont la puce en loreille
nont besoing que de ioye et tire
car Vente pleuue gresse ou gelle
a cueur ioyeux riens ne peult nuyre

Le religieux

On a deu daultres dens Venter
qui nont pas dure longuement
et crois que pour tire et chanter
on ne faict pas son saulement
il ne fault que a Vng mouuement
Vne pource fieure qui Vient
on morra a dieu te commant
regarde que tout deuient

Le mondain

Qui doubte le bois pour les brâches
il doit chemin prendre aultre part
or sur ma foy quant les dimenches
iay Vng soupir ou doay regart
ou Vng brain de rommarin Vert
il me semble que ie nay garde
de fieure de mort ou de dart
Vng amant nest iamais malade

Le religieux

Ton entendement trop tabuse
es choses qui tost passeront
il fault amy que chascun meure
iopes et Vanites periront
et comme fumee sen yront
mort ne spargne fort ne hardi
ceulx qui rient apres pleureront
sic transit gloria mundi

Le mondain

Hee frere Vausist il pas mieulx
quant as si belle congnoissance
dapplicquer ton sens et tes yeulx
a estudier en science
pour auoir nommee excellente
estre craint et auctorize
nul na des biens qui ne sauance
peu Vault comme qui nest prise

Le religieux

Soy cōgnoistre est bien grāt scauoir
et puse bien ceste science
mais ceulx qui deussēt plus scauoir
et qui ont grant intelligence
nom de memoire et de loquence
en leurs delitz se suauouissent
et laissent dieu pour leur plaisir
les plus scauans si esblouissent

Le mondain

Je ne te pourroie demouuoir
pourquoy plus ne ten parleray
mais au surplus tu dois scauoir

que au monde ma Vie Vseray
ou bien et honneur acquerre
tout partout ou pourray pandre
tant que parler de moy fere
Vailant cueur doit a honneur tēdre

Le religieux

De telz honneurs ne metz ta care
mon amy se tu fais que sage
car ce nest que Vent qui peu dure
et qui vient souuent a dommaige
quāt honneur fault laisser cest rage
que le cueur meurt trist et tarnist
les grans ne l'ont pas dauantage
lonneur des mondains tost finist

Le mondain

Penser auoir este eueux
est dur mortel pour aualer
est Vng des tourmens douloureux
de quoy on sache point parler
mais bien scaray dissimuler
escheuer haynes et contemps
tū flater taire celer
il fault Viure selon le temps

Le religieux

Honneurs sont volās cōme oiseauz
et nest pas assure demaine
as tu point deu de ces rainseaux
q le Vēt puis bas puis hault maine
ainsi fortune les demaine
les Vngs fait coruces et ioieuz

aucuns en ioye les aultres peine
rien nest permanent soubz les cieulx

Le mondain

Se a honneur ne peult paruenir
i'assairay a auoir richesses
cest la fin ou ie vucil venir
pour prèdre toutes mes lieffes
faire festes dances largesses
acquerir terres a troupeaux
nouuelles dances et maistresses
qui a argent a des chappeaux

Le religieux

Que vault tant de richesses auoir
cheuances bonbans et grant cure
quant telz biens si font decepuoir
et faire des maulx sans mesure
banquez baingz mommeries
luxure greuer a autrui prèdre le sien
helas tout deuient pourriture
le riche nen portera rien

Le mondain

Tu sces tresmal que cela monte
mon amy la coustume est telle
qui na argent len nen tient compte
non plus que dune Bielle pelle
huy fault auoir grande Baiselle
tresors tapicerie propice
de lame sauuer nest nouuelle
tous estudiant a auarice

Le religieux

Lon na pas telz biens sans labeur
hee cueurs cueurs que feront
quant le leur sayront a doleur
a ceulx qui grant chere en feront
Une fois leure en maul diront
et les mordia leur conscience
mais alors tart y pouruoieront
il nest trespas que souffisance

Le mondain

Se le nay richesses a tas
maisons rentes grans edifices
ie tacheray a prendre grans estas
charges seigneuries offices
il ne me chault de benefices
cest pour ceulx qui veulent prescher
ceulx qui ne se pouruoierent s'ot nices
en eue trouble fait bon pescher

Le religieux

Au monde ny a riens estable
pour trouuer refuge et seurete
puis office si est muable
et renocable a volente
le plus fin est desherite
ou dauoir pour viure science
car quant suruient aduersite
art garde l'homme de indigence

Le mondain

Point nay paour de pourete
tandis que fortune me dure
car parmi ma prosperite

et des biens avant que ie meure
les plus petis amains dune heure
si fait plus hault que oncqs mais
rien nē fait qui ne saventure
les chetifs nauront rien iamaïs

Le religieux

A telz galans et compagnons
qui si haults biens mōdains obtiēnēt
est ainsy que des champignons
qui a ceulx en Vne nuyt viennent
se ne scet apres qui deuiennent
et est fortune tresmauuaïse
quelle consent qua ce paruiēnent
pour leur faire plus grand mesaise

Le mondain

Quant le bien vîēt il le fault prēdre
sans aucun scrupule querir
et si frere tu dois entendre
que quant non porra conquerir
iay intencion dacquerir
grans amys ains quilque le vueille
pour moy aider et secourir
Vng bon amy pour lautre vueille

Le religieux

De seurs ne de loiaux amys
au monde pou en trouueras
sen prosperite tu es mis
beaucoup de bouche en fineras
et des parens tant que voudras
qui te suivront de lieu en lieu

mais au besoing ung nen auras
il ne se fault fier que en dieu

Le mondain

Je ne scay qui se viennent offrir
ame soustenir et deffendre
Voire iusques a la mort souffrir
que nest pas signe de mesprendre
te croy bien que par trop contendre
en amicitie vient il troubles
aux mauuais ne se fault attendre
cest grant danger q de amys doubles

Le religieux

De telz gens te faudra garder
car combien quilz te suiuerront
filz te voient de riens amender
en cuer pas ioyeux nen seront
puis en mengant te trahiront
et en feront leurs mocqueries
pour bien faire mal te rendront
amis sont de pasques fleuries

Le mondain

De telz flateurs et cabasseurs
crains fort auoir a besongner
et aussy a faulx accuseurs
que len ne doit acompagner
si que moy vueille enseigner
et donner sur ce reconfort
pour en viuant les eslongner
conseil en tous cas aide fort

Le religieux

6 ii.

Il te fault pour seurement Viure
seruir dieu de cuer et de courage
aimer ton prochain les bons suivre
porter paciemment dommage
n'ajouter foy a tout langaige
ne parler pas trop de leger
blasmer aultruy nen dire oultrage
ne buelle personne iuger

Le mondain

Comme fineray ie ces bislingues
plaisans a mesdire et dicter
languaiges picquans cōme esguilles
ainsi quilz soient le temps verser
en riant viennent embrasser
faingnant de aimer parfaitement
puis apres ne font que farcer
et parler des gens meschamment

Le religieux

Bonnes gens parlent de honte
rafardeurs de rafarder le
les meschans de meschantete
le berger de sa bergerie
cest honte quant langue varie
farseurs a mesdire sont sapplicques
et ne morrons point sans farce rie
les mocqueurs sōt en lafin moq̃s

Le mondain

Hee cuide tu quil me fait mal
quant ie voy meschās gens charger
et mesdire a mont et auail

pour aultuy blasmer et iuger
cest Vng grant mal pour abieger
mais plusieurs si nen tiènēt compte
ainsi en font leur boite et menger
aufort la fin fera le comte

Le religieux

Mon compaignon tu ne saries
tenir les oiseaux de voler
semblablement tu ne porries
pas garder les gens de parler
laisse tous langaiges aller
car bien peu en vault le siffuit
bien ou mal ne se peult celer
quel est labre tel est le fruit

Le mondain

Laiissons atant ceste matiere
que dirois tu dun amoureux
qui est tumbé dune gouttiere
en allant repaitre ses yeux
parlons du temps passe ioieux
et des fais damours ie ten prie
sans tant parler des cieulx
de mēger pain blanc len sennuie

Le religieux

folie faire et la congnoistre
ce sont deux paires de folie
ieunesse sans guidon ou maistre
mect lomme en grant merencolie
qui sont quant amoy abolies
plus ne men conuient enquerir

mais pour nouvelles bien iolies
il fault tous penser a mourir

Le mondain

Il ne me chault pas d'un niquet
de la mort et ne la crains goucte
fors destre prins au soubucquet
tout apoint que poit ne men doubte
celuy qui y pense redoubte
Dieu serviray mais que ie soie bien
il ne me fault de bien que une goutte
pour vollet aussi tost aux cieulx

Le religieux

Dieu fait grace ou il luy plaist
selon ce qu'on la deservie
mais mal et peche luy desplaist
sy n'ayt nul de meffaire enuie
la personne sera servie
selon ses fais a la parfin
faisons des biens en nostre vie
bonne vie attrait bonne fin

Le mondain

Or mon amy ie te diray
cy ung petit de mon couraige
il est vray que deliberay
iadis me mettre en mariage
mais ie doubtay fort le passage
et de rencontrer femme dure
de sot maintien ou sens vollage
on doit craindre telle aventure

Le religieux

Une fois conuient estat prendre
ne ie ne tiens pas lomme sage
qui Veult tousiours Viure et actēdre
tant quil ayt ia passe son aage
pour oster peril et dommage
ie prie a dieu que Vne ten donne
car cela Vault mieulx que heritage
il est bien eureux qui la bonne

Le mondain

De tous estas le plus entier
et qui me reuient a merueilles
cest la Vie du franc gontier
qui Vit entre ses pastouelles
au chāt des oiseaux soubz les feilles
ayant pain bis et gras frommage
ou de iambons et de bouteilles
telz gēs ont bon temps et font rage

Le religieux

Poures ou riches qui Viueront
selon desir et Volupte
ia a mort nen laisseront
nul nest de la mort excepte
puer si Vient apres este
et le doux se tourne en amer
au monde na que Vanite
tout se passe fors dieu almer

Le mondain

Sy ay ie encoire intencion
de Viure selon ma plaisance
et prendre consolation

6.iii.

es biens mondains et es cheuāce
es conuis et en affluence
des viandes a grant montioye
puls penseray de conscience
qui la mort craint iamaiz na ioye

Le religieux

Tu na pas le temps en ta main
tel au iourday faict bonne chere
que len entertera demain
helas homme ny pense guere
lame si demeure derriere
il nen chault du mal quelle endure
mais que le corps son aise quiere
et si nest que terre et ordure

Le mondain

Quant iauray beaucoup amasse
et eu mes plaisances longuemēt
auant que soie trespasse
iordonneray mon testament
et feray des biens largement
pour sauuer mon ame au surplus
de les donner presentement
il nen souuiendrait a dieu plus

Le religieux

fais des biens et des aulmosnes
quant le temps le peult supporter
car a la mort ny aura riens
ne ne les peulz pas emporter
sans toy attendre ou apporter
aux hoirs qui de leger sen passent

car Ace peult huy veoir et noter
que len faict pour ceulx q trespasse

Le mondain

Je prendre bons executeurs
auquelz iay parfaicte fiance
mes bons amys et seruiteurs
qui y sont a mon absence
autant que seroie en presence
doubte nen fays quant ad ce point
car greueront leurs conscience
lamour au besoing ne ment point

Le religieux

Cest simplesse de presumer
cuidant que aultres te aimeront
plus que tu ne te veulx aimer
car a grant peine le feront
ceulx et tes hoirs se combatront
et prendra chascun ca et la
dont plaictz et proces en soardront
et ton ame trempera la

Le mondain

Mon amy tu te romps la teste
et nous debatois follement
ie ne desire que estre en feste
et de viure ioyeusement
auoir nouuel habillment
saillir saulter fringuer dancer
et passer le temps plaisamment
ne ie ne vueil ailleurs penser

Le religieux

Nas considere creatare
cōment dieu tant doeuvres a faictes
pour toy et pour ta nourriture
les ellemens et les planettes
oiseaux poissons mer bestelletes
Vin ble et te servir et paistre
foins odorans fleurs nouuelletes
aumoins remercie en le maistre

Le mondain

Je Vouldroie pour ma Volente
entre les choses qui sont faictes
quil ne fut aulre temps quil est
pour sentir belles Violettes
esglentiers armeries fleurettes
herbe resioissant nature
roses soucies amourrettes
tout noble cuer ayme Verdure

Le religieux

Amy quant bien digereras
quil te fault Vne fois morir
toutes ces folies oubliras
la mort si nous vient tous querir
et lors anemis de courir
ardans a grans barreaux de fer
il te fault sauuer ou perir
il est paradis et enfer

Le mondain

A bien entendre ce sermon
ceulx que tu viens de dire
ilz me font traueiller le pommon

car piteux font motz pour rire
mon amy ton parler menpire
et congnois que dis Verite
si tacheray a me reduire
sans estre tel que iay este

Le religieux

Ceulx sont maleureux et maulditz
qui pour ceste Vie miserable
perdent la ioye de paradis
et ce beau manoir delectable
ceste grant gloire pardurable
de Voir dieu en sa maiceste
qui est plaisir inestimable
et parfaite felicite

Le mondain

Cest bien au rebours de la gloire
de ceste basse mancion
ou len ne treuve que misere
ennuy courroux et affliction
maladie pleurs persecution
larmes chagrins desplaisance
tourment et tribulation
quant Vng cesse lautre commence

Le religieux

Qui est celuy qui passe Vng iour
soit en nopces ou en plaisances
sans auoir ennuy ou dolour
mouuement de concupiscence
despite a petit de Vengance
yre orgueil soudaine destresse

ou quelque aultre malle meschance
Brief ioye n'ya sans tristresse

Le mondain

Je suis trestout esmerueille
des paines et de la durte
dont homme si est traucille
asailly de grant pourete
peete de biens malheurete
fain soif desespoir desconfort
batu flagelle torment
et puis au dernier mis a mort

Le religieux

N'ayes doncques regret a peine
pour auoir lassus tel repaire
quest liesse souueraine ioye
sans chercher miserable acroite
desir parfaict en louenge et memoire
sans fin boire de mieulx en mieulx
hellas ne perdons telle gloire
ayons tousiours le cuer es ciculx

Le mondain

Je voy bien que demoureras cy
ia plus ne ten destournéray
adica mon amy grant mercy
de ton conseil que noubliray
Vivre au monde retourneray
ou se ie sens que aultre fort affaire
pour q uoy hyet te suppliay
que de mon faict ayés memoire

Le religieux

Adieu mon bon seigneur et frere
ne te chault dieu nous aidera
grace et confort en luy espere
au besoing point ne te terra
aussy tousiours ton cueur se tirera
tousiours deuers la belle dame
car quiconques la seruira
dieu aura pitie de son ame

Ly finist le debat du religieus et
de l'omme mōdain imprime a paris
le vingtiesme iour de mars. lan mil
quatreccs quatrevingtz et vnze. par
le petit Laurens



